

MISSINGIUT

Uunga

Siunnersuut

Kalaallit Nunaanni pinerluttulerinermi inatsimmik aamma Kalaallit
Nunaanni eqqartuussisarnermik inatsimmik allannguineq pillugu
inatsisisstatut siunnersuut
(covid-19-imik il. il. tunillaassuunnerit pinaveersaartinniarlugit
akiorniarlugillu iliuusissanik atorunnaarsitsinissaq pillugu immikkut
piumasaqaatit atorunnaarsinnejarnissaanut aalajangersakkap
atorunnaarsinnejarnera)

§ 1

Kalaallit Nunaanni pinerluttulerinermi inatsimmik aamma Kalaallit
Nunaanni eqqartuussisarnermik inatsimmik allannguineq pillugu inatsimi
nr. 1056, 30. juni 2020-meersumi (Covid-19-imik il. il. tunillaassuunnerit
pinaveersaartinniarlugit akiorniarlugillu annertusisamik iliuuseqarneq)
tulliuttoq allannguut suliarineqarpoq:

1. § 4, imm. 2, atorunnaarsinnejarneraq.

Slotsholmsgade 10
1216 København K.

T +45 7226 8400
F +45 3393 3510

Inatsit ulloq 30. december 2021 atuutilissaaq.

www.justitsministeriet.dk
jm@jm.dk

Inatsisissatut siunnersuummut oqaaseqaatit

Nassuaatit nalginnasut

Imarisai

1. Aallaqqasiut	3
2. Inatsisissatut siunnersuummi qulequttat	4
2.1. Inatsisit atuuttut.....	4
2.2. Justitsministeriamit isumaliutigineqartut aamma aaqqiineq siunnersuutigineqartoq.....	8
3. Pisortanut aningaasatigut kingunissai aammalu atulersitsinerup kingunissai.....	15
4. Inuussutissarsiutinut il.il. aningaasatigut ingerlatsinikkullu kingunissai.....	15
5. Ingerlatsinikkut innuttaasunut kingunissai.....	15
6. Silaannaap pissusaanut - avatangiisinullu tunngasutigut kingunissai	16
7. EU-mi inatsiseqarnermut tunngasut	16
8. Oqartussaqarfiiit aamma kattuffiit il. il. tusarniaaffigineqartut.....	16
9. Skema eqikkagaq.....	17

1. Aallaqqasiusut

Ulloq 25. juni 2020 Folketingip akueraa, Kalaallit Nunaanni pinerluttulerinermi inatsimmik aamma Kalaallit Nunaanni eqqartuussisarnermik inatsimmik allannguineq pillugu inatsit nr. 1056, 30. juni 2020-meersoq (Covid-19-imik il. il. tunillaassuunnerit pinaveersaartinniarlugit akiorniarlugillu annertusisamik iliuuseqarneq).

Inatsisikkut siunertaasimavoq, nappaatit tunillaassuuttut pillugit inatsimmi § 12 d, imm. 3-p Kalaallit Nunaanni pinerluttulerinermi inatsimmut aamma eqqartuussisarnermik inatsimmut nuunneqarnissaa, Folketingimi saaqquumiunneqarneratuut aamma akuerineqarneratuut allassimatillugu. Tamatumuuna isumannaarneqarpoq, Justitsministeriap ataani Kalaallit Nunaanni oqartussaqarfii, soorlu assersuutigalugu pinerluttunik isumaginnittut covid-19-ip siaruaannissaa pinaveersaartinniarlugu aamma akiorniarlugu sapinngisaq tamaat atortut pisariaqartitatik pigissagaat. Aamma isumannaarneqarpoq, Kalaallit Nunaannut inatsisit tulluarsarneqarnerat, taamaalilluni inatsisip pisinnaatitsinera atorlugu suliniutit eqqunneqarsinnaasut, suliniutnik Namminersorlutik Oqartussanik aallartinneqartunik malinnaatinneqarsinnaanngortillugit, nappaatit tunillaassuuttut pillugit Kalaallit Nunaanni inatsit malillugu.

Inatsimmi § 4, imm. 2 malillugu, Kalaallit Nunaanni pinerluttulerinermi inatsimmi § 264 a, inatsimmi § 1, nr. 1-imi allaqqavoq, aamma Kalaallit Nunaanni eqqartuussisarnermik inatsimmi § 707 a, inatsimmi § 2, nr. 1-imi allaqqavoq, kiisalu inatsimmi § 3 ulloq 31. december 2021 atorunnaarsinneqassasut.

Atorunnaarsitsinissamik aalajangersakkap taassuma malitsigivaa, justitsministeri ulloq 31. december 2021 aallarnerfigalugu malittarisassanik aalajangersaasinnaajunnaassasoq, ilaatigut pisortat namminersortullu pisortanut pisinnaatitaaffiinik, pinerluttulerinermi inatsimmi eqqartuussisarnermik inatsimmi aamma eqqartuussisarnermik inatsisip aamma pinerluttulerinermi inatsisip allangortinneqarnissaanik inatsimmi nr. 1718, 27.

december 2018-imeersumi aalajangersarneqartunik imaluunniit taakkua malillugit aalajangersarneqartunik (Tigummigallagassanngortitanik il. il. inissiineq) ilaatigut nappaatit ulorinaatillit pinaveersaartinniarlugit.

Justitsministeriap naliliinera tassaavoq, Kalaallit Nunaanni oqartussaqarfitt covid-19-ip aamma nappaatit ulorinaatillit allat siaruannissaat pinaveersaartinniarlugu aamma nappaatit akiorniarlugit sapinngisaq tamaat atortut pisariaqartitatik pigissagaat.

Taamaattumik siunnersuutigineqarpoq, atorunnaarsitsinissamik aalajangersakkap atorunnaarsinneqarnissaa, taamaalilluni justitsministeri aamma ulloq 31. december 2021-p kingorna malittarisassanik aalajangersasinnanngortillugu, ilaatigut pisortat namminersortullu pisortanut pisinnaatitaaffiinik, pinerluttulerinermi inatsimmi, eqqartuussisarnermik inatsimmi aamma eqqartuussisarnermik inatsisip aamma pinerluttulerinermi inatsisip allanngortinneqarnissaanik inatsimmi nr. 1718, 27. december 2018-imeersumi aalajangersarneqartunik imaluunniit taakkua malillugit aalajangersarneqartunik (Tigummigallagassanngortitanik il. il. inissiineq) ilaatigut nappaatit ulorinaatillit pinaveersaartinniarlugit.

2. Inatsisisatut siunnersuummi qulequttat

2.1. Inatsisit atuuttut

Kalaallit Nunaanni pinerluttulerinermi inatsimmik aamma Kalaallit Nunaanni eqqartuussisarnermik inatsimmik allannguineq pillugu inatsit nr. 1056, 30. juni 2020-meersoq (Covid-19-imik il. il. tunillaassuunnerit pinaveersaartinniarlugit akiorniarlugillu annertusisamik iliuuseqarneq) ulloq 1. juli 2020 atuutilerpoq.

Inatsimmi § 1, nr. 1 malillugu, justisministeri pinerluttulerinermi inatsimmi § 264 a malillugu pisortat namminersortullu pisortanut pisinnaatitaaffiinik, pinerluttulerinermi inatsimmi, pinerluttulerinermi inatsit malillugu imaluunniit pinerluttulerinermi inatsit malillugu pisortanit aalajangersar-

neqartunik saneqqussinissamut malittarisassanik aalajangersaasinnaavoq, ilaatigut nappaatit ulorinaatillit pinaveersaartinniarlugit.

Aamma inatsimmi § 2, nr. 1 malillugu, justisministeri eqqartuussisarnermik inatsimmi § 707 a, imm. 1 malillugu pisortat namminersortullu pisortanut pis-innaatitaaffiinik, eqqartuussisarnermik inatsimmi, eqqartuussisarnermik inatsit malillugu imaluunniit eqqartuussisarnermik inatsit malillugu pisortanit aalajangersarneqartunik saneqqussinissamut malittarisassanik aalajangersaasinnaavoq, ilaatigut nappaatit ulorinaatillit pinaveersaartinniarlugit. Taamaattoq oqaaseqaatigineqarpoq, eqqartuussisarnermik inatsimmi § 707 a, imm. 2 malillugu, eqqartuussisut qullersaqarfianik atortitsineq pillugu malittarisassanik aalajangersaasoqarsinnaanngitsoq, tak. tunngaviusumik inatsimmi § 61, pkt. 1.

Kiisalu inatsimmi § 3 malillugu justitsministeri pisortat namminersortullu pisortanut pisinnaatitaaffiinik, Kalaallit Nunaanni pinerluttulerinermi aamma Kalaallit Nunaanni eqqartuussisarnermik inatsimmi nr. 1718, 27. december 2018-imeersumi § 4-mi aalajangersarneqartunik aamma inatsit nr. 1718, 27. december 2018-imeersumi § 4-mi malillugu aalajangersarneqartunik imaluunniit nr. 1718, 27. december 2018-imeersumi § 4-mi malillugu pisortanit aalajangersarneqartunik saneqqussinissamut malittarisassanik aalajanger-saasinnaavoq, ilaatigut nappaatit ulorinaatillit pinaveersaartinniarlugit.

Aalajangersakkat malillugit taamaallaat pisuni nassuiarneqartuni pingasuni saneqqussineq pisinnaavoq.

Siullermik, pisuni nappaatit ulorianaatillit naalagaaffimmik maani tunillaassunneri pinaveersaartinniarlugit akiorniarlugillu saneqqussineq pisariaqtinnejqarpat.

Aappaattut, pisuni nappaatit ulorianaatillit naalagaaffimmik maani tunillaassunneri pinaveersaartinniarlugit akiorniarlugillu saneqqussineq piumasa-

rineqarpat, aammalu tassunga atatillugu pisussaaffit aamma pisinnaatitaaffit pineqartut pingaaruteqannginnerusutut nalilerneqarpata.

Pingajuattut, pisussaaffit aamma pisinnaatitaaffit pineqartut naam-massineqarnissaat ajornarsippat imaluunniit ajornakusuulerpat, immikkut iliuuseqarnerit malitsigisaannik, nappaatit ulorianaatillit naalagaaffimmi maani tunillaassuunneri pinaveersaartinniarlugit akiorniarlugillu pisaria-qarsimasut.

Inatsimmut covid-19-ip atuunnera tunngaviugaluartoq, nappaatit uloria-naatillit allat pineqartillugit aalajangersakkat aamma atorneqarsinnaapput.

Aalajangersakkatigut piginnaatitaanerit qulaani taaneqartut malillugit justitsministerip Kalaallit Nunaanni Pinerluttunik Isumaginnittut susas-saqarfiini covid-19-imik tunillaassuunnerit pinaveersaartinnissaat aamma nappaatip akiornissaa pillugu nalunaarut nr. 1174, 30. juni 2020-meersoq atuutilersippaa. Nalunaarut ulloq 24. juli 2020 atuutilerpoq aammalu arlaleriarluni sivitsorneqarnikuulluni, kingullermik nalunaarutikkut nr. 1981, 15. december 2020-imeersukkut, tassuuna atorunnaarsitsinissamut aalajangersagaq ulloq 1. marts 2021-mut sivitsorneqarluni.

Nalunaarut malillugu Kalaallit Nunaanni Pinerluttunik Isumaginnittut inissinneqarsimasut tamakkiisumik ilaannakortumilluunniit ataasimoornissamut aamma pulaarneqarnissamut il. il. pisinnaatitaaffii kipitissin-naavaat, tamanna assersuutigalugu pinerluttunik isumaginnittoqarfinni covid-19-ip tunillaassuunnissaa pinaveersaartinniarlugu imaluunniit nappaat akiorniarlugu.

Kalaallit Nunaanni Pinerluttunik Isumaginnittut aamma inissinneqarsimasut nuunneqarnissaat aamma utertinneqarnissaat kipitissinnaavaat tamanna Kalaallit Nunaanni imaluunniit Danmarkimi pinerluttunik isumaginnit-toqarfinni covid-19-ip tunillaassuunnissaa pinaveersaartinniarlugu imaluunniit nappaat akiorniarlugu pisariaqarpat, tamanna Kalaallit Nunaanni imaluunniit Danmarkimi pinerluttunik isumaginnittoqarfinni covid-19-ip

tunillaassuunnissaa pinaveersaartinniarlugu imaluunniit akiorniarlugu annertusisamik iliuuseqarnissaq piumasarineqarpat, aammalu tassunga atatillugu tigummigallagassatut eqqartuussanik nuussinissaq imaluunniit utertitsinissaq pingaaruteqanngitsutut nalilerneqarpat imaluunniit tigummi-gallagassatut eqqartuussanut nuussinissaq imaluunniit utertitsinissaq ajornarsippat imaluunniit ajornakusuulerpat annertusisamik iliuuseqarneq pissutigalugu, iliuuserisanik pisariaqarsimasunik Kalaallit Nunaanni imaluunniit Danmarkimi covid-19-ip tunillaassuunnissaa pinaveersaartinniarlugu imaluunniit nappaat akiorniarlugu.

Justitsministerip nalunaarummik atuutilersitsinissaminut piginnaatitaanerminik maannamut atuinera immini ataasiakkaat pisinnaatitaaffiisigut akuliunnermik imaluunniit pisortat pisussaaffiinik saneqqussinermik malitseqassanngilaq. Piginnaatitaanermik atuinerup taamaallaat siunertarinikuuaa Justitministeriap susassaqarfiiini Kalaallit Nunaanni oqartussaqarfinni atortunik pisariaqar-titanik peqarnissap tunngavilerneqarnissaa – soorlu inissinneqarsimasut pulaarneqarsinnaanermut pisinnaatitaaffiannik kipisitsinissamut periarfissaq - covid-19-ip tunillaassuussinnaanerata pinaveersaartinnissaa imaluunniit nappaatip akiornissaa siunertaralugu.

Kalaallit Nunaanni Pinerluttunik Isumaginnittut paasissutissiisimapput, pinerluttunik isumaginnittut ataasiarlutik Kalaallit Nunaanni Pinerluttunik Isumaginnittut ataanni covid-19-ip tunillaassuunnerata pinaveersaartinnissaa akiornissaalu pillugu nalunaarut nr. 1174, 30. juni 2020-imeersoq tunngavittut atorneqarsimasoq. Nalunaarummi § 21, imm 1 malillugu Namminersorlutik Oqartussat Kalaallit Nunaannut angallannermik matusinerat pissutigalugu kalaallimik tigummigallagassatut eqqartuussamik nuussinissaq kinguartinneqarsimavoq, ullumikkut Danmarkimi Herstedvesterimi parnaarussivimmi inissinneqarsimasumik. Pineqartoq januar 2021-p naanerani Nuummi Isertitsiviup tigummigallakkat immikkoortortaqarfianut nuunneqartussaasimagaluarpooq, Kalaallit Nunaanni pinerluttulerinermi inatsimmik aamma Kalaallit Nunaanni eqqartuussisarnermik inatsimmik allannguineq pillugu inatsimmi (Tigummigallagassanik il. il. inissiineq) nr.

1718, 27. december 2018-imeersumi § 4, imm. 1-im i aamma inuit pinerluttulerinermi inatsit malillugu Danamarkimi tigummigallagassatut inissinneqarnissamut eqqartuunneqarsimasunik imaluunniit nuunneqarsimasunik il. il. Kalaallit Nunaanni Pinerluttunik Isumaginnittut ataani tigummigallakkat immikkoortortaqarfianut imaluunniit immikkoortortamut ammasumut nuussineq pillugu nalunaarummi nr. 747, 1. juli 2019-meersumi malittarisassat malillugit.

Kalaallit Nunaanni Justitsministeriap oqartussaqarfii taaneqartup saniatigut tunngavinnik taaneqartunik atuisimanngillat, aammalu taamaattumik perarfissaqarnani aalajangersakkat atorneqarneri, sunniutai aamma inatsisitigut illersugaanermut kingunerisai pillugit naliliinissamut, taamaattumik inatsimmi nr. 1056, 30. juni 2020-meersumi atorunnaarsitsinissamut aalajangersakkap sivitsorneqarnissaa imaluunniit atorunnaarsinnejarnissaa pillugu naliliinissamut piumasarisaasoq malinnejarnissaa. Taamaattoq Pinerluttunik Isumaginnittut paasissutissiisimapput, pinerluttunik isumaginnittut nalileraat pingaaruteqartoq aamma pisariaqartoq Kalaallit Nunaanni Pinerluttunik Isumaginnittut aamma 31. december 2021-p kingorna maannamut atuuttutut Kalaallit Nunaanni covid-19-ip aamma nappaatit ularinaatillit allat siaruaannissaat pinaveersaartinniarlugu aamma nappaatit akiorniarlugit perarfissaqarnissamut.

2.2. Justitsministeriamit isumaliutigineqartut aamma aaqqiineq siunner-siutigineqartoq

Inatsimmut nr. 1056, 30. juni 2020-meersumut tunngaviuvoq, Danmarkimi naalakkersuisut kissaatigisimagaat Kalaallit Nunaanni naalagaaffiup oqartussaqarfisa covid-19-ip Kalaallit Nunaanni siaruaannissaat pinaveersaartinniarlugu aamma nappaat akiorniarlugu sapinngisamik atortut pisariaqartitatik pigissagaat.

Inatsisip ulloq 31. december 2021 atorunnaarnissaanut Nappaatit tunnil-laassortut akiorniarlugit iliutsit pillugit Inatsisartut peqqussutaata allan-ngortinneqarnera pillugu Inatsisartut inatsisissaat nr. 1, 1. april 2020-meersumut 31. december 2021-mi atorunnaarsinnejartussamut atanera

tunngaviuvoq. Naalakkersuisut paasissutissiisimapput, nappaatit tunillaassortut pillugit inatsisisatut siunnersuummik suliaqartoqartoq, maanna inatsimmut 31. december 2021-mi atorunnaarsinnejartussamut taartaassamik, aamma taama ittoq inatsit nappaatit tunillaassortut pillugit inatsimmit Folketingimut december 2020-mi saqqummiunnejartumiit aallaaveqartussaq. Inatsit Kalaallit Nunaanni inuiaqatigiinni suliniuteqarnissamut periarfissiinernik imaqarnissaa naatsorsuutigineqarpoq, maanna Inatsisartut inatsisaat atuuttoq tunngavigalugu suliniutitut aallartinnejarsinnaasut assinginik periarfissiisunik.

Covid-19-imut tunngatillugu imaluunnit nappaatinut ulorianaatilinnut tunngatillugu isumaginninnermi, Kalaallit Nunaanni Justitsministeriap susassaqarfisa ataanni, nappaatit siaruaannissaat pinaveersaartinniarlugu aamma nappaatit akiorniarlugit 31. december 2021-p kingorna inatsisinik saneqqussinissap pisariaqarsinnaanera mattunnejarsinnaanngilaq.

Tamanna tunngavigalugu Justitsministeriap nalilerpaa, inatsisikkut nr. 1056, 30. juni 2020-meersukkut siunertaasimasoq suli maanna atuuttoq. Taamaattumik isumannaassallugu pingaaruteqarpoq, Kalaallit Nunaanni Justitsministeriap susassaqarfisa ataanni, soorlu pinerluttunik isumagnittut, nangittumik atortut pisariaqartitatik pigissagaat, sapinggisamik covid-19-ip aamma nappaatit ulorinaatillit allat siaruaannissaat pinaveersaartinniarlugu aamma nappaatit akiorniarlugit, soorluttaaq suli pisariaqartoq isumannaassallugu Kalaallit Nunaanni Justitsministeriap susassaqarfisa ataanniittut, nappaatit tunillaassortut pillugit inatsit malillugu suliniutinik Namminersorlutik Oqartussanit aallartinnejartunik malinnin-nissamut periarfissaqarnissaat, ilaatigut nappaatit ulorinaatillit siaruaannissaat pinaveersaartinniarlugu aamma nappaatit akiorniarlugit.

Justitsministeria isumaqarpoq, Kalaallit Nunaanni Justitsministeriap susassaqarfisa ataanni inatsit Kalaallit Nunaanni nappaatit tunillaassortut pillugit inatsimmut tapertaasussaq, ilusilersugaasariaqartoq Kalaallit Nunaanni aaqqissuussinermut tulluuttunngortillugu, ilaatigut Namminer-

sorlutik Oqartussat suliniutitut aallartitaasa malinnejarnissaat siunertaammat. Justitsministeria aamma isumaqarpoq, ministeriap inatsisaata ataavartumik atuunnissaa isumannaassallugu pingaaruteqartoq, pisuni tamani pisarialinnik suliniuteqarsinnaaneq periarfissaaniassamat.

Naalakkersuisut paasissutissiisimapput, Kalaallit Nunaanni nappaatit tunilaassortut pillugit inatsisissatut siunnersuummik Inatsisartunut 2021-mi ukiakkut saqqummiussisoqassasoq, maanna inatsisaasup 31. december 2021-mi atorunnaarnissaa sioqqullugu atuutilersitsinissaq siunertaralugu.

Justitsministeriap Naalakkersuisut peqatigalugit isumaliutigisimavaat, Kalaallit Nunaanni Justitsministeriap susassaqarfisa ataanni inatsisip atuutiinnarnissaa pillugu qanoq pitsaanerpaaamik isumannaarinissaq, maanna atorunnaarsitsinissamut aalajangersakkap 31. december 2021-mi atuutilinnginnerani. Kalaallit Nunaanni inatsisip aamma Kalaallit Nunaanni Justitsministeriap susassaqarfisa ataanni inatsisip sapinngisamik imminnut tulluuttuunissaasa isumannaarneqarnissaanik kissaateqarneq malitseqarpoq, inatsisissatut siunnersuutit taakkua marluk ataatsikkut Inatsisartuni suliarineqartariaqarnerannik. Kalaallit Nunaanni Justitsministeriap susassaqarfisa ataanni inatsit Inatsisartunit akuerineqareerpat atuutilinnginnerani Folketingimi saqqummiunneqartussaammat aammalu akuerineqarluni, aamma Kalaallit Nunaanni inatsisissatut siunnersuut aatsaat 2021-mi ukiakkut Inatsisartunit suliarineqartussaammat, ilimanarmallu suleriaatsip tamassuma aarlerinartorigaa illugiimmik Inatsisartuni aamma Folketingimi inatsisissatut siunnersuummik suliarinninnissaq. Illugiimmik suliarinninnissamut aarlerinaat pinngitsoortinniarlugu Justitsministeriap aamma Naalakkersuisut naleqqunnerutippaat, Justitsministeriap inatsisissatut siunnersummut missingiutaa Inatsisartuni 2021-mi upernaakkut suliarineqareernissaa.

Suleriaatsip taamaattup malitsigissavaa, Kalaallit Nunaanni Justitsministeriap susassaqarfisa ataanni inatsit Kalaallit Nunaanni nappaatit tunilaassortut pillugit inatsimmut siumoortumik nalequssarneqarsinnaanginnera. Qulaani allaqcasutut, Naalakkersuisut paasissutissiisimapput,

Kalaallit Nunaanni nappaatit tunillaassortut pillugit inatsimmut siunnersuut, Naalakkersuisunit maanna suliarineqartoq, nappaatit tunillaassortut pillugit inatsisisstatut nutaatut siunnersuutigineqartumik aallaaveqartussaq, december 2020-mi Folketingimut saqqummiunneqarsimasumut. Pkt. 1-ip qulaani aamma allaqqasutut, inatsimmik nr. 1056, 30. juni 2020-meersumik siunertaasimavoq nappaatit tunillaassortut pillugit inatsimmi atuuttumi § 12 d, imm. 3-p Kalaallit Nunaannut nuunneqarnissaa, pinerluttulerinermi inatsimmut aamma eqqartuussisarnermik inatsimmut sammisumik, aammalu nappaatit tunillaassortut pillugit inatsisisstatut siunnersuut, Folketingimut december 2020-mi saqqummiunneqartoq, § 56-imik aalajangersakkamik imaqartoq, atuuttumik § 12 d, imm. 3-mik ataasiakkaanik naligiissaanertalimmik aamma erseqqissaanertalimmik, Justitsministeria isumaqartoq, Kalaallit Nunaanni Justitsministeriap susassaqarfisa ataanni nangittumik inatsisikkut nr. 1056, 30. juni 2020-meersukkut eqqunneqartunik aalajangersakkanik tunngaveqarnissasoq.

Nappaatit tunillaassortut pillugit danskit inatsisaanni nutaami § 56, inatsit nr. 1056, 30. juni 2020-meersoq malillugu Kalaallit Nunaannut aalajangersakkanik eqqunneqartunut sanilliullugu, pisortat namminersortullu pisortanut pisinnaatitaaffiinut tunngatillugu pisussaaffiit pillugit saneqqussinissamut aalajangersarneqarsinnaasut pillugit malittarisassat nunamut imaluunniit nunap ilaanut atuussinnaanerannik erseqqissaanertermik imaqarloq. Pkt. 2.1-imik taaneqartutut nalunaarummik atuutsitsilernissamut piginnaatitaanermik atuinerup maannamut immini ataasiakkaat pisinnaatitaaffiisigut akuliunnermik imaluunniit pisortat pisussaaffiinik saneqqusssinissamik malitseqassanngimmat, taamaallaalli siunertaalluni Kalaallit Nunaanni Justitsministeriap susassaqarfisa ataanni oqartussaqrifit atortut pisariaqartitatik piginissaannut tunngavimmik pisariaqartumik aqqutissiuussinissaq, sapinngisaq tamaat nappaatit ulorinaatillit siaruannissaannik pinaveersaartitsinermi aamma nappaatit akiorniarnerini, tassani periarfissaq taamaallaat atorneqassasoq pisariaqartitsineq naapertorlugu, taamaalilluni Kalaallit Nunaanni nunap ilaannaani pisariaqartitsinermi atorneqartussatut. Pinerluttulerinermi inatsimmi 264 a-mut, eqqartuussisarnermik inatsimmi § 707 a-mut aamma

inatsimmi nr. 1056, 30. juni 2020-meersumi § 3-mut oqaaseqaatini allaqqavoq, akuliunneq inuiaqatigiinni tamat peqqissusaannik mianerinnitumik ingerlanneqassasoq, tassunga ilagitillugu naalagaaffimmi maani nappaatit ulorinaatillit siaruaannissaannik pinaveersaartitsinermi aamma nappaatit akiorniarnerini, aammalu ingerlaqqittoqassanngitsoq tamatumani mianerinninnermi pisariaqartitsineq qaangerlugu. Tassunga atatillugu piumasarineqarpoq, akuliunnerit taamaallaat aalajangersar-neqassasut aamma piffissaliinikkut il. il. nalilersuilluartoqareerneratigut pisariaqartitsineq naapertorlugu, inuiaqatigiinni tamat peqqissuunerinik illersuinermi, tak. Folketingstidende 2019-2020, A, L 192 qupp. 7-9 saqqummiunneqarneratuut. Inatsit nr. 1056, 30. juni 2020-meersoq malillugu ajornanngilaq nalunaarummik atuutilersitsinissaq Kalaallit Nunaanni nunap ilaannaanut atuuttussamik. Inatsisip sunniuteqarnera taamaalilluni Kalaallit Nunaata ilaannaanut tunngasinnaavoq. Tamanna tunngavigalugu Justitsministeri, aamma Kalaallit Nunaanni nappaatit tunillaassortut pillugit inatsisissap imarisassaa tamaat suli ilisimalernagu, inatsimmi nr. 1056, 30. juni 2020-meersumi piginnaatitsinerit allanngortin-neqarnissaanut tunngavissaqanngitsoq maannakkuugallartoq isumaqarpoq, taamaalilluni erseqqissumik allaqqalluni malittarisassat aalajangersarne-qarsinnaasut Kalaallit Nunaannut tamarmut imaluunniit ilaannaanut atuuttussatut.

Nappaatit tunillaassortut pillugit danskit inatsisaanni nutaami § 56, inatsit nr. 1056, 30. juni 2020-meersoq malillugu Kalaallit Nunaannut aalajangersakkanik eqqunneqartunut sanilliullugu naligiissaarinermik aamma imaqarpoq, piginnaatitsinerit atorsinnaanerinut piumasaqaataasariaqartoq nappaatip inuiaqatigiinnut ilungersunartuunera. Nappaat inuiaqatigiinnut ilungersunartoq tassaavoq nappaat ulorianaatilik inuiaqatigiit aaqqissuus-saanneranni annertuunik akornutinik nassataqartoq imaluunniit nassataqar-sinnaasoq. Nappaammik inuiaqatigiit aaqqissuussaannerannut annertuunik akornutinik nassataqartutut inissiineq taamaallaat nappaatip peqqinnis-sakkut nalilerneqarneranik tunngaveqanngilaq, aammali inuiaqatigiit eqqar-saatigalugit nappaammik kinguneqaataasut pillugit politikkikkut nalili-nermik tunngaveqarluni. Tamanna naligiissaarineq isigineqartariaqarpoq,

aalajangersakkami piginnaatitsinerup pilersinneqarneranut aalajangersagaq malillugu malittarisassioritoqarnissaanut, Tunillaassortunik nappaalanersuaqarneranut ataatsimiititaliarsuarmit inneruussuteqartoqarsimanisaata piumasaqaataanissaanik. Aammattaaq piginnaatitsinermut aalajangersagaq inatsisiliortut nakkutilliinerinut atatillugu aaqqissuussinermut nutaamut ilaasussaassaaq, taassuma kingorna ministeri susassaqartup saqqummiuttusaassallugit malittarisassat atuutilersinneqartussatut kissaatingeqartut, ataatsimiititaliamut Folketingimit invertinneqarsimasumut, Tunillaassortunik nappaalanersuaqarneranut ataatsimiititaliarsuarmit inneruussineq peqatigitillugu.

Justitsministeriap Naalakkersuisut peqatigalugit isumaliutigisimavaat, suleriaatsimik assingusumik Kalaallit Nunaannut eqquissisoqassanersoq, tassunga ilagitillugu Tunillaassortunik nappaalanersuaqarneranut ataatsimiititaliarsuarmit inneruussisoqarneratigut aammalu inatsisiliortut nakkutilliinerisigut ataatsimiititaliamut Inatsisartut invertissimasaannut nalunaarutissatut missingiutinik saqqummiussisarnermik. Tassunga atatillugu Naalakkersuisut paasissutissiisimapput, Kalaallit Nunaata nappaatit tunillaassortut pillugit inatsisissatut siunnersuutaa nutaaq inatsisiliortut nakkutiginnitarnerannik aaqqissuussinermik assingusumik imaqarnissaa oqaatigiuminaatsoq. Naalakkersuisut tassunga atatillugu aamma paasissutissiisimapput, Justitsministeriap susassaqarfisa ataanni Kalaallit Nunaannut inatsimmi suleriaatsimik taamaattumik piumasaqartoqarnissaa siunertamut naapertuuttutut isigineqanngitsoq. Tamanna tunngaveqarpoq, nalunaarutinik atuutilersitsinissamut atatillugu, taamaallaat Kalaallit Nunaannut atuuttussanik, Namminersorlutik Oqartussat pillugit inatsimmi § 18, imm. 2 malillugu, Namminersorlutik Oqartussanit oqaaseqaammik utaqqisoqartarnissaa. Aalajangersagaq taanna Kalaallit Nunaanni politikkikkut suleriaatsimik isumannaarivoq, aammalu suleriaatsip tamassuma qanoq aaqqissuunneqarnissaanut Kalaallit Nunaanni aalajangiinerit apeqquaallutik. Taamaattumik periarfissaavoq, Kalaallit Nunaata politikkikkut suleriaaseq aaqqissuutissagaa, Kalaallit Nunaata kissaatigisaatut, tassunga ilagitillugu Tunillaassortunik nappaalanersuaqarneranut ataatsimiititaliarsuarmut tusarniaasinnaaneq aammalu Inatsisartut ataatsimiititaliaanut saqqummiussi-

sinnaaneq. "Nappaatit inuiaqatigiinnut ulorianaatillit"-nik taaguutip Kalaallit Nunaanni nappaatit tunillaassortut pillugit inatsimmut nutaamut nuunneqarnissaa ilisimatinnagu, pisariaqarnersoq imaluunniit tunngavis-saqarnersoq inatsit nr. 1056, 30. juni 2020-meersoq malillugu pigin-naatitsinermut aalajangersakkat taamaallaat nappaatinut inuiaqatigiinnut ulorianaatilinnut sammitinneqarnissaat massakkuugallartoq isigniarneqan-gilaq. Tassunga atatillugu oqaaseqaatigineqarpoq, piginnaatitsinermut aalajangersakkatigut siunertaasoq suliniutit nappaatit tunillaassortut pillugit inatsit malillugu Namminersorlutik Oqartussanit aallartinneqartut Kalaallit Nunaanni Justitsministeriap susassaqarfisa ataanni ilaatigut oqartussaqarfinniit malinnejqarsinnaanerinut periarfissiinissaq. Aalajangersagaq atorlugu suut nappaatit pineqarnissaat pisariaqartutut isigineqanngilaq, politikkikkut nakkutiginninnermik isumannaarinermi piginaatitsinermut aalajangersakkap atorneqarnerani. Tamatumunnga tunngaviuvoq, qulaani taaneqartutut nalunaarummik atuutilersitsinissami Namminersorlutik Oqartussat oqaase-qaateqarnissaat utaqeqartussaammat. Tassunga atatillugu Namminersorlutik Oqartussat nappaammut tunngatillugu nalunaarummik atuutilersitsisoqarnissaa pillugu oqaaseqaateqarnissamut periarfissaqarput, nap-paatip suliniuteqarfigineqannginnissaanut tunngatillugu Kalaallit Nunaanni politikkikkut aalajangiisoqarnerata kingunerisaanik, nappaatip inuiaqati-giinnut ulorinaateqartutut isigineqanngissinnaanera pissutigalugu.

Tamanna tunngavigalugu, Kalaallit Nunaanni nappaatit tunillaassortut pillugit inatsisip nutaap imarisassaa suli ilisimaneqalersinnagu, Justits-ministeria isumaqanngilaq inatsit nr. 1056, 30. juni 2020-meersumi piginnaatitsinermut aalajangersakkat naleqqussarneqarnissaannut tunngavissaqartoq, aammalu taamaalilluni Justitsministeriap paasinninnerivaa, aalajangersakkat allanngortinneqarnatik atuutiinnarnissaat. Tassunga atatillugu oqaaseqaatigineqarpoq, Justitsministeria – Kalaallit Nunaanni nappaatit tunillaassortut pillugit inatsisip nutaap malitsigisaanik kingu-sinnerusukkut aalajangersakkat naleqqussarneqarnissaat pisariaqalersi-mappat – tamanna pillugu erngertumik iliuuseqassasoq, piginnaatitsissutit

Kalaallit Nunaanni nappaatit tunillaassortut pillugit inatsimmi malittaris-
sasanut tulluartuunissaat isumannaarniarlugu.

Taamaattumik taamaallaat siunnersuutigineqarpoq, inatsimmi nr. 1056, 30.
juni 2020-meersumi § 4, imm. 2-mi atorunnaarsitsinissamut aalajanger-
sakkap atorunnaarsinneqarnissaa. Tassunga atatillugu oqaaseqaatigineqar-
poq, piginnaatitsinermut aalajangersakkat atuutissasut inatsisip inatsisikkut
nutaakkut atorunnaarsinneqarnissaata tungaanut. Tassunga atatillugu oqa-
seqaatigineqarpoq inatsimmi atuuttumi atorunnaarsitsinissamut aalaja-
ngersagaq danskit aamma Kalaallit Nunaata nappaatit tunillaassortut
pillugit inatsisaanni assingusuni ataqtigiissuteqarmat tunngaveqartunik
inatsisinktuaviuunneqarsimasunik covid-19-ip siaruaanneranik pissute-
qartumik. Naalakkersuisut paasissutissiisimapput, ilimagineqartoq Kalaallit
Nunaanni nappaatit tunillaassortut pillugit inatsit nutaaq atorunnaar-
sitsinissamut aalajangersakkamik imaqassanngitsoq.

3. Pisortanut aningaasatigut kingunissai aammalu atulersitsinerup kingunissai

Inatsisisstatut siunnersuut aningaasatigut aamma atulersitsineq pisortanut
kinguneqassanngilaq.

4. Inuussutissarsiutinut il.il. aningaasatigut ingerlatsinikkullu kingunissai

Inatsisisstatut siunnersuut inuussutissarsiutinut il. il. aningaasatigut
imaluunniit ingerlatsinikkut kinguneqassanngilaq.

5. Ingerlatsinikkut innuttaasunut kingunissai

Inatsisisstatut siunnersuut periarfissiissaaq justitsministerip malittaris-
sanik ulloq 31. december 2021-p kingorna aalajangersaasinnaaneranut,
pinerluttulerinermi inatsimmut aamma eqqartuussisanermik inatsimmut
tunnganerusunik, pisortat innuttaasullu pisussaaffiinik saneqqussinissamut,

ilaatigut nappaatit ulorianaatillit pinaveersaartinniarlugit. Taamaattumik inatsisisstatut siunnersuut ingerlatsinikkut innuttaasunut kinguneqaateqar-sinnaavoq.

6. Silaannaap pissusaanut – avatangiisinullu tunngasutigut kingunissai

Inatsisisstatut siunnersuut silaannaap pissusaanut avatangiisinulluunniit tunngasutigut kinguneqassanngilaq.

7. EU-mi inatsiseqarnermut tunngasut

Inatsisisstatut siunnersuut EU-mi inatsiseqarnermut tunngasunik imaqan-ngilaq.

8. Oqartussaqarfíit aamma kattuffíit il. il. tusarniaaffigineqartut

Inatsisisstatut siunnersuut ulloq 26. januar 2021-miit 16. februar 2021-ip tungaanut oqartussaqarfinnut aamma kattuffinnut il. il. ukununnga tusarniaassutigineqarpoq:

Nunatta Eqqartuussisuuneqarfia, Nunatsinni Eqqartuussivik, Advokatrådet, Danske Advokater, Den Danske Dommerforening, Kalaallit Illuutaat, Direktoratet for Kriminalforsorgen, Dommerfuldmægtigforening, Domstolsstyrelsen, Foreningen af Offentlige Anklagere, Kalaallit Nunaanni Illersuisut Peqatigiiffiat, Fængsels forbundet, Kalaallit Nunaanni Politiet Peqatigiiffiat, Nunatsinni Advokatit, Inuit Pisinnatitaaffii pillugit Siunnersuisoqatigiit, Institut for Menneskerettigheder, Kredsdommerforening "Eqqartuussisoq", Kalaallit Nunaanni Pinerluttunik Isumaginnittut, Landsforeningen af Forsvarsadvokater, Landsforeningen KRIM, Kalaallit Nunaanni nuna tamakkerlugu illersuisoq, Politiforbundet i Danmark, Kalaallit Nunaanni Politimesteri, Retspolitisk Forening, Rigsadvokati aamma Rigs politiet.

Tamatuma saniatigut siunnersummut missingiut Namminersorlutik Oqartussanut oqaaseqaateqarfigisassanngorlugu saqqummiunneqarpoq. Namminersorlutik Oqartussat ulloq [...] oqaaseqaateqarput [...] pillugu.

9. Skema eqikkagaq

	Kinguneri pitsasut /ningaasartuutikinn eruneq (Appeerneruppat, annertussusileruk /Naaggaarneruppat allaguk »Soqanngilaq«)	Kinguneri pitsaanngitsut /ningaasartuuteqarn eruneq (Appeerneruppat, annertussusileruk /Naaggaarneruppat allaguk »Soqanngilaq«)
Naalagaaffimmut, kommuninut aamma regioninut aningaasatigut kinguneri	Soqanngilaq	Soqanngilaq
Naalagaaffimmut, kommuninut aamma regioninut atulersitsinermut kinguneri	Soqanngilaq	Soqanngilaq
Inuussutissarsiutinut aningaasaqarnikkut kinguneri	Soqanngilaq	Soqanngilaq
Inuussutissarsiutinut ingerlatsinikkut kinguneri	Soqanngilaq	Soqanngilaq
Ingerlatsinikkut innuttaasunut kinguneri	Soqanngilaq	Inatsisisstatut siunnersuut ingerlatsinikkut innuttaasunut kinguneqaateqarsin-naavoq.

Silaannaap pissusaanut – avatangiisinullu tunngasunut kinguneri	Soqanngilaq	Soqanngilaq
EU-mi inatsiseqarnermut tunngasut	Inatsisissatut inatsiseqarnermut imaqanngilaq.	EU-mi siunnersuut tunngasunik
EU-mi maleruagassiuinermut inuussutissarsiuinut tikkuussisunut atulersitsinermut najoqqutassianut tallimanut akerliuvoq	Aap	Naagga X

*Inatsisissatut siunnersuummi aalajangersakkanut ataasiakkaanut
oqaaseqaatit*

§ 1-imut

Inatsimmi nr. 1056, 30. juni 2020-meersumi § 4, imm. 1 malillugu inatsit atuutilissaq Loftidende-mi ullormi nalunaarutigineqarneraniit aqaguani.

Aammattaaq inatsimmi § 4, imm. 2 malillugu, Kalaallit Nunaanni pinerluttulerinermi inatsimmi 264 a, inatsimmi § 1, nr. 1-ikkut allaqqasoq, aamma Kalaallit Nunaanni eqqartuussisarnermik inatsimmi § 707 a, inatsimmi § 2, nr. 1-ikkut allaqqasoq aamma inatsimmi § 3, atorunnaassapput ulloq 31. december 2021, Folketingip – Namminersorlutik Oqartussat oqaaseqaateqarnera malillugu – tamanna sioqqullugu aalajangersakkat taaneqartut atuunnerisa sivitsorneqarnissaat akuerisimanngippagu.

Siunnersuutigineqarpoq atorunnaarsitsinissamut aalajangersakkap atorunnaarsinneqarnissa, taamaalilluni Kalaallit Nunaanni pinerluttulerinermi inatsimmi aamma Kalaallit Nunaanni eqqartuussisarnermik inatsimmi kiisalu inatsimmi nr. 1056, 30. juni 2020-meersumi § 3-mi allannguinerit ulloq 31. december 2021-p kingorna atuutiinnartussanngortillugit.

Tamatuma malitsigissavaa, Justitsministerimut inatsimmi nr. 1056, 30. juni 2020-meersumi malittarisassanik aalajangersaanissamut piginnaatitsineq, ilaatigut pisortat namminersortullu pisortanut pisinnaatitaaffiinik, pinerluttulerinermi inatsimmi, eqqartuussisarnermik inatsimmi aamma eqqartuussisarnermik inatsisip aamma pinerluttulerinermi inatsisip allanngortinneqarnissaanik inatsimmi nr. 1718, 27. december 2018-imeersumi aalajanger-sarneqartut imaluunniit taakkua malillugit aalajangersarneqartut (Tigummigallagassanngortitanik il. il. inissiineq) ilaatigut nappaatit ulorinaatillit pinaveersaartinniarlugit, aamma ulloq 31. december 2021-p kingorna atorneqarsinnaasunngortillugit.

§ 2-mut

Inatsimmi nr. 1056, 30. juni 2020-meersumi § 4, imm. 2-mi atorunnaarsitsinissamut aalajangersagaq 31. december 2021-miit atuutilissaaq. Taamaattumik atorunnaarsitsinissamut aalajangersakkamik atorunnaarsitsinissaq siunnersuutigineqartoq tammanna piffissaq nallertinnagu pisariaqarpoq.

Taamaattumik siunnersuutigineqarpoq, inatsit ulloq 30. december 2021 atuutilissasoq.